

County ng Santa Clara
Opisina ng Tagapagrehistro ng mga Botante
1555 Berger Drive, Building 2
San Jose, California, 95112

PAUNAWA SA NOBYEMBRE 5, 2024, PANGKALAHATANG HALALAN

IPINAGBIBIGAY-ALAM SA PAMAMAGITAN NITO sa mga kuwalipikadong manghahalal ng **Distrito ng Paaralan ng Mount Pleasant**, County ng Santa Clara, California, na alinsunod sa mga probisyon ng Kodigo ng Pamahalaan ng California at Kodigo ng mga Halalan ng California, ang isang Halalan para sa layunin ng Panukala ay gaganapin sa **Nobyembre 5, 2024**, kung saan ang sumusunod na panukala ay isusumite at pagbobotohan ng mga kuwalipikadong manghahalal sa loob ng **Distrito ng Paaralan ng Mount Pleasant**.

PANUKALA

AGHAM AT TEKNOLOHIYA. Sa mga pondong hindi maaaring kunin ng Estado, dapat bang pagtibayin ang panukala ng Distrito ng Paaralang Elementarya ng Mount Pleasant na palawakin ang mga silid-aralan para sa Agham, Teknolohiya, Inhinyeriya, mga Sining, at Matematika; at gawing mas bago ang teknolohiya sa silid-aralan at mga sistema ng pang-emerhensiyang komunikasyon sa August Boeger Middle, Ida Jew Academy, Elementarya ng Mount Pleasant, Elementarya ng Robert Sanders, at Elementarya ng Valle Vista, na nag-a-awtorisa sa \$28 milyon na mga bono na may mga legal na antas, mga pagsusuri, may karaniwang pataw na buwis na mas mababa sa \$29 sa bawat \$100,000 ng halagang tinasa (na lilikom ng \$1.7 milyon kada taon) habang may natitira, pagbabantay ng mamamayan, at buong paghahayag sa publiko ng lahat ng paggasta?

Mga Bono – Oo _____ Mga Bono – Hindi _____

IPINAGBIBIGAY-ALAM DIN NITO na ang mga pangangatwirang panig o laban sa nasabing panukala ay maaaring isumite sa Opisina ng Tagapagrehistro ng mga Botante sa pamamagitan ng elektronikong pagsumite sa candidateservices@rov.sccgov.org o nang personal sa Candidate Services Division sa direksiyong nakalista sa itaas, ng hindi lalampas ng 5:00 p.m. sa **Agosto 13, 2024**. Ang namamahalang lupon o sinumang miyembro o mga miyembro ng lupon, sinumang indibidwal na botante na kuwalipikadong bumoto sa panukala, o isang lehitimong asosasyon ng mga mamamayan, o kumbinasyon ng mga nasabing botante at asosasyon ay maaaring maghain ng nakasulat na pangangatwirang panig o laban sa Panukala. Hindi dapat lumampas sa 300 salita ang haba ng pangangatwiran. Hindi dapat higit sa limang pirma ang labas sa

anumang isinumiteng pangangatwiran. Ang mga isinumiteng naka-print na pangangatwiran ay dapat may pamagat na "Pangangatwirang Panig sa Panukala" o "Pangangatwirang Laban sa Panukala." Ang mga salitang ginamit sa pamagat ay hindi dapat bilangin kapag tinutukoy ang haba ng anumang pangangatwiran.

Dapat ipakita ng Opisina ng Tagapagrehistro ng mga Botante ang mga pangangatwiran para sa pagsusuri ng publiko sa mga oras ng trabaho sa loob ng 10 araw nang kalendaryo na magsisimula sa **Agosto 14, 2024**, at matatapos sa **Agosto 23, 2024**, na kasunod agad ng takdang petsa ng paghahain para sa pagsusumite ng mga sagot na pangangatwiran.

Ang Opisina ng Tagapagrehistro ng mga Botante ay pipili ng pangangatwirang panig sa at pangangatwirang laban sa panukala na itatala at ipapamahagi sa mga Patnubay na Impormasyon Para sa Botante ng County (CVIGs).

Ang Tagapagrehistro ng mga Botante ay magpapadala ng kopya ng napiling pangangatwirang panig sa panukala sa mga may-akda ng mga pangangatwirang laban sa, at ng kopya ng napiling pangangatwirang laban sa mga may-akda ng pangangatwirang panig sa. Ang mga may-akda ay maaaring maghanda at magsumite ng sagot sa pangangatwiran na hindi lalampas sa 250 salita ang haba. Ang bawat sagot na pangangatwiran ay dapat agad na kasunod ng direktang pangangatwiran na gusto nitong sagutin at dapat itong bigyan ng pamagat na "Sagot sa Pangangatwirang Panig sa Panukala," o "Sagot sa Pangangatwirang Laban sa Panukala." Ang mga salitang ginamit sa pamagat ay hindi dapat bilangin kapag tinutukoy ang haba ng anumang sagot na pangangatwiran. Dapat ihain ang mga sagot na pangangatwiran sa Opisina ng Tagapagrehistro ng mga Botante ng County ng Santa Clara nang hindi lalampas ng 5:00 p.m. sa **Agosto 20, 2024**.

Dapat ipakita ng Opisina ng Tagapagrehistro ng mga Botante ang mga sagot na pangangatwiran para sa pagsusuri ng publiko sa mga oras ng trabaho sa loob ng 10 araw nang kalendaryo na magsisimula sa **Agosto 21, 2024** at matatapos sa **Agosto 30, 2024**, na kasunod agad ng takdang petsa ng paghahain para sa pagsusumite ng mga sagot na pangangatwiran.

Ang lahat ng pangangatwiran at sagot na inihain alinsunod sa paunawang ito ay may kasama dapat na sumusunod na form ng pahayag na pipirmahan ng bawat may-akda:

Ipinapahayag ng (mga) nakapirmang may-akda ng PANGANGATWIRAN/SAGOT SA PANGANGATWIRANG PANIG SA/LABAN SA Panukala sa Balota sa Halalan sa **Distrito ng Paaralan ng Mount Pleasant**, County ng Santa Clara, na gaganapin

sa **Nobyembre 5, 2024**, ipinapahayag na ang nasabing pangangatwiran ay totoo at wasto sa abot ng kanyang/kanilang nalalaman at paniniwala.

IPINAGBIBIGAY-ALAM NITO na ang lahat ng aktibong rehistradong botante ay awtomatikong papadalhan sa koreo ng pakete ng balota sa Pagboto sa Pamamagitan ng Koreo simula sa **Oktubre 7, 2024**, magbubukas ang mga Sentro ng Pagboto para sa nasabing halalan simula sa **Oktubre 26, 2024** hanggang **Nobyembre 5, 2024**, para sa iba't ibang oras ng operasyon. Mangyaring tingnan ang aming Listahan ng mga oras ng operasyon ng mga Sentro ng Pagboto na naka paskil sa aming website sa <https://www.sccvote.org/>. Magbubukas ang mga Sentro ng Pagboto sa Araw ng Halalan, **Nobyembre 5, 2024**, mula 7:00 a.m. hanggang 8:00 p.m. Ang lahat ng balotang naitala sa nasabing halalan ay sentral na bibilangin sa Opisina ng Tagapagrehistro ng mga Botante.

IPINAGBIBIGAY-ALAM DIN NITO na, alinsunod sa seksyon 15101(b) ng Kodigo sa mga Halalan, ang mga balota ng Pagboto sa Pamamagitan ng Koreo ay bubuksan at ipoproseso para sa pagbibilang simula sa **Oktubre 7, 2024**, sa Opisina ng Tagapagrehistro ng mga Botante.

Pinetsahan: Hulyo 10, 2024

Matt Moreles, Pansamantalang Tagapagrehistro ng mga Botante